

## Ի գիտություն հասարակությանը

**ՀՀ հանրային ծառայությունները կարգավորող հանձնաժողովը, նպատակ ունենալով տեղեկացնել հանրությանը հանձնաժողովի 2024 թվականի աշխատանքային ծրագրով 4-րդ եռամսյակում նախատեսված աշխատանքների մասին, ստորև ներկայացնում է այդ աշխատանքների հակիրճ բովանդակությունը:**

ՀՀ հանրային ծառայությունները կարգավորող հանձնաժողովի 2024 թվականի աշխատանքային ծրագրով 4-րդ եռամսյակի ընթացքում նախատեսվում է՝

- Լրամշակել էլեկտրաէներգետիկական մեծածախ շուկայի առևտրային կանոնները:
- Լրամշակել էլեկտրաէներգետիկական մանրածախ շուկայի առևտրային կանոնները, այդ թվում՝ պայմանագրային իրավահարաբերությունների մասով:
- Հաստատել էլեկտրակայանների պայմանագրային և տնօրինելի էլեկտրական հզորությունները՝ համաձայն էլեկտրաէներգետիկական մեծածախ շուկայի առևտրային կանոնների:
- Վերանայել Հայաստանի Հանրապետության էլեկտրաէներգետիկական համակարգի սակագնային կարգավորման ենթակա խոշոր արտադրող կայանների և ծառայություններ մատուցող ընկերությունների սակագները:
- Վերանայել սպառողի էներգատեղակայանքներով էլեկտրական էներգիան ենթասպառողների կամ բաշխողի այլ ցանցերի սնման համար փոխանցելու կարգով ամրագրված դրամային մեծությունները:
- Հաստատել սակագնային կարգավորման ենթակա արտադրողների կողմից ուղիղ պայմանագրերի շուկայի կարգավորվող բաղադրիչում պարտադիր վաճառքի ենթակա էլեկտրական էներգիայի չափաքանակները՝ համաձայն էլեկտրաէներգետիկական մեծածախ շուկայի առևտրային կանոնների:
- Լրամշակել գազամատակարարման համակարգի սակագների հաշվարկման մեթոդիկան:

- Վերանայել «Վեոլիա Ջուր» փակ բաժնետիրական ընկերության կողմից խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման սակագները:
- «Վեոլիա Ջուր» փակ բաժնետիրական ընկերության կողմից համաձայնեցնել իր սպասարկման տարածքի հրապարակվելիք ջրամատակարարման գրաֆիկը Հայաստանի Հանրապետության հանրային ծառայությունները կարգավորող հանձնաժողովի հետ:
- Իրականացնել «Վեոլիա Ջուր» փակ բաժնետիրական ընկերության կողմից խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման սակագների հաշվարկներում ներառվող մանրաձախ ջրամատակարարման փաստացի ծավալների մոնիթորինգ:
- Ներկայացնել առաջարկություններ էլեկտրոնային հաղորդակցության բնագավառում ծառայությունների մատուցման բաժանորդային պայմանագրերին առնչվող կարգավորումների մասով:
- Իրականացնել հանրային կազմակերպությունների 2023 և 2024 թվականների գնումների առանձին գործարքների ընտրանքային մոնիթորինգ:
- Հաստատել հանրային ծառայությունների կարգավորման պարտադիր վճար վճարողների 2025 թվականի անվանական կազմի և կարգավորման պարտադիր վճարների տարեկան դրույքաչափերը:
- Հրապարակել դատական գործերի վերաբերյալ ամփոփ տեղեկատվությունը:
- Մշակել Հայաստանի Հանրապետության հանրային ծառայությունները կարգավորող հանձնաժողովի 2025 թվականի աշխատանքային ծրագիրը:  
 Եռամսյակային արդյունքներով ամփոփել և հանձնաժողովի պաշտոնական ինտերնետային կայքում հրապարակել՝
  - սպառողների սպասարկման որակի ցուցանիշների վերաբերյալ էլեկտրական էներգիա, բնական գազ և խմելու ջուր մատակարարող ընկերությունների կողմից ներկայացված տեղեկատվությունը,

- սպառողների դիմում-բողոքների վերաբերյալ էլեկտրական էներգիա, բնական գազ և խմելու ջուր մատակարարող ընկերությունների կողմից ներկայացված տեղեկատվությունը,
- էլեկտրաէներգետիկական, գազամատակարարման համակարգերի և ջրային ոլորտի կարգավորվող ընկերությունների գործունեության տեխնիկատնտեսական ցուցանիշները,
- նոր սպառողի կամ սպառողի վերակառուցվող սպառման համակարգն էլեկտրական, գազամատակարարման ցանցերին, ջրամատակարարման և ջրահեռացման համակարգերին միացումների եռամսյակային ցուցանիշները: